

ANGARHELO

Misava yi tisa swivandla eka vaaki va Nodunga



Aaron Zulu, mutshamxitulu wa Nhlangu wa Miako ya Vaaki ya Nodunga, a khomile swinerekisi leswi nga rimiwa eka misava leyi a nga va vun'winyi bya yona na swirho swin'wana swa vaaki.

Noluthando Mkhize

Aaron Zulu (58) a nga ehlaketi leswaku siku ri ta fika laha a nga ta tlhela eka misava leyi a nga tswaleriwa ka yona endzhaku ka maendlele ya xihlawuhlawu ya n'wi sindzisile na ndyangu wa yena ku suka ekaya ra vona.

Hi 1913, magidi ya mindyangu ya vantima yi susiwile hi nsindziso eka misava ya vona hi mfumo wa xihlawuhlawu, hi ku landzela ku tivisiwa ka Nawu wa Vatshami eMisaveni.

Va tsapiwile eka misava ya vona, emakaya, eka Vatshamo na xindzhuti xa vona naswona va sindzisiwile ku ya tshama eka mimfumo ya matikoxikaya kumbe ku rhurhisiwa va tshama eka swidorobana leswi nga kunguhatiwangiki kahle no nyikiwa vukorhokeri.

Hi 1994, mfumo wa xidemokirasi wu boxile xilaveko xa misava na mpfuxeto wa swa timbe-wu tanihi xiphemu xo phahlelana mariyeta xa rixaka.

"Hi sindzisiwile ku suka eka misava ya hina. Makaya ya hina ya hisiwile naswona na tihomu ta hina ti dlawile," ku vula Zulu.

Zulu hi un'wana wa vakoxi lava tlulaka 76 000 lava nga kuma misava ya vona nakambe hi ku pfuniwa hi phurogireme yo vuyisela misava ya mfumo. Ndzwalo ya Nhluvukiso wa Matikoxikaya na Mpfxeto wa Misava yi tirhisile ku tlula R24.6 biliyoni eka phurogireme.

Zulu i mutshamxitulu wa Nhlangu wa Miako ya Vaaki ya Nodunga (CPA), lowu yimelaka mindyangu ya 376.

Vaaki va Nodunga va sayinile ntwanano wo hirha wa malembe ya 10 na khamphani yo paka na maphepha ya Mondi eka bindzu ra swihlahla eka 685 wa tihekitaro ta misava, leri durhaka R7.4 miliyoni, ku va pfuna ku kuma vuswikoti lebyi lavekaka ku vuyeriwa ku suka eka swivandla swa mabindzu eka misava.

KU KOXA KU VUYISERIWA MISAVA

Hi 2012, endzhaku ka malembe yo hundza 27 yo ringeta ku koxa ku vuyiseriwa misava, Nodunga CPA yi vuyiseriwe 2 897 wa tihekitaro.

"Andzi nga ehlaketi leswaku ndzi nga tlhela ekaza ra mina. A ndzi ehlaketa leswaku a ku ri wona makumu ya hina hikuva hinkwaso leswi a hi ri na swona swi tekiwile," ku vurile Zulu.

Zulu na vaaki va Nodunga va yisile xikoxo xa vona hi 1995.

"Hi hlanganile na swiphiqo swo tala swinene, na le ka vaaki, leswi nga vanga minhlwelo yo karhi. Eku sunguleni a hi nga tivi leswaku laha hi nga ya ka kona ku kuma mpfuno wo koxa misava ya hina nakambe."

Zulu u vurile leswaku ntirho wa ntiyiso wo koxa nakambe misava ya vona wu sungurile hi 2008 loko varhumiwa va mfumo wa endile miendzelo ya nkarhi na nkarhi eka misava leyi a ku tshama van'wamapurasu, ku yi kambela.

"Hi nkarhi wa maendlele lawa, a hi tirha na Khomixini yo Vuyisela Timfanelo ta Misava ya KwaZulu-Natal yi wela ehansi ndzwalo ya xifundzhankulu ya Vurimi na Nhluvukiso wa Matikoxikaya.

Endzhaku ka loko vakoxi va Nodunga va kumekile, va vumbile Nodunga CPA.

"Hi komberile vanhu lava va nga va ka va ri

ni vuswikoti eka swa dyondzo ya akhawutingi kumbe ku fambisa mabindzu hikuva a hi ri na kungu na purasi leri. Hi nkombo eka komiti."

SWIVANDLA SWA MINTIRHO

CPA yi tsarisile Nodunga Farming, leyf fambiswaka hi valawuri vanharhu, ku kotisa vaaki ku endla mabindzu eka misava leyi va yi koxeke.

Nodunga Farming yi kumile R17.8 miliyoni ku suka eka Phurogireme ya Ndzwalo yo Aka hi vuntshwa na Nhluvukiso (RADP) leyf nga tivisiwa hi 2009.

RADP yi nyika vuleteri na nhluvukiso eka lava nga kuma misava hi ku pfuniwa hi phurogireme ya mpfuxeto wa misava.

"Loko hi ta va hi kumile misava hi 2012 a hi ri hava nchumu xo fambisa mapurasi kumbe xo sungula bindzu. Mapurasi a ya ri eka xiymo xo biha swinene naswona a ku nga ri na gezi."

Namuntha Nodunga Farming yi rima mimova, timangwa, swinerekisi, tinombhela na timanga ta makhadamiya.

Ku na 239 wa swirho swa vaaki leswi tirhaka epurasini na 42 wa vatisri va nkarhinya.

KU VEKISA EKA VAAKI

Handle ko nyika swivandla swa mintirho, Nodunga Farming yi phakela tiyunifomo ta swikolo eka swikolo swa ntlhanu, eka vana va 1 500, lembe rin'wana ni rin'wana.

"Hi vonile xilaveko xo hluvukisa swikolo eka ndzhawu leyi hi ku phakela tiyunifomo. Hi tlhela hi pfuna hi migingiriko ya vuhungasi na tigerhe ta mintlangi ku endla leswaku vana va tsakela xikolo."

Nodunga Farming yi tlhela yi pfuna mindyangu leyi nga swela. Yi va akerile tindlu no va nyika tivohchara ta girosa.

"Ku fikel sweswi hi akile tindlu tinharrhu ta swirho swa vaaki. Swirho swa vaaki swa pfumeleriwa ku endla mapapila ya swilaveko swa vona. Ku nga va swin'wana ni swin'wana ku sukela eka ku pfuna eka nkosi kumba tibasari ta dyondzo. Hi kambela mapapila naswona ha pfuna laha hi swi kotaka."

Hi nkarhi wa wo hetelela wa lembe ximali ra khamphani, mbuyelo wa yona a wu ri R17 miliyoni, ngpfungofu ku suka eka 36 wa tithani ta mimova leti yi nga ti rima.

XITSUNDUXO EKA VAVUYERIWA HI MISAVA

Zulu u vurile leswaku ku va n'wamapurasu loyi a nga humelela munhu ku lavela a ri na ku tsakela.

"Mimbuyelo yi kona eka bindzu, kambe munhu u fanele ku leha mbilu. U fanele ku tiva ku fambisa bindzu naswona u fanele ku tiva leswaku swi durha ku fika kwihki ku fambisa purasi."

U engeterile leswaku vavuyeriwa va fanele ku ku tirha swin'we ku tiyisisa leswaku va endla swin'wana eka misava.

"Bindzu ra vurimi a ri tirhi loko ku ri na ku hambana hi miehleketo ko tala."

Jabulani Dube, mulawuri wa swa timali, u vurile leswaku vavuyeriwa va fanele va rhanga hi ku leteriwa va nga si teka misava.

"Hi na vutivi byo rima mimova leswi vekaza eka xiymo xa kahle. Hi nga tsakela no dyodzisa vanhu lava ngabenaka eka xiyege lexi."

[Mfumo wu twa xikombelo xa Eersterust] > Swi suka eka pheji 1

mbango wa vona.

U endzerile xikolo ku ya byala xirhapa xa matsavu na minsinya ya mihandzu no hlohotela vadyondzi ku tshama exikolweni no hlayisa mbango wa vona, va sungula hi xirhapa xa matsavu lexintshwa na minsinya. Swikumiwa ku suka eka xirhapa xa matsavu na minsinya ya mihandzu swi ta pfuna xikimo xa xikolo xo phakela swakudya, lexi nyikaka swakudya eka vana va kwalomuya ka 400 eka vana masiku hinkwawo.

Xandla xa Holobye xi tiyisisile leswaku vatshwa va le xikarhi ka ku aka Afrika-Dzonga wo antswa.

Loko hi languta emahlweni, mfumo wu tirhisanile ni maphorisa, vantshwa na swirho swin'wana endzhawini ku ololoxa swivilelo

Hofisi yo fambafamba yi endla leswaku swikoxo swa misava swi vevuka

Noluthando Mkhize

Hofisi yo fambafamba yo vuyisela misava yi ta va yi ri karhi yi famba eKwaZulu-Natal (KZN) na le Kapa Vuxa ku endla maendlele yo yisa swikoxo leswaku ya vevuka.

Hofisi yo fambafamba, ku nga bazi, yi vumba xiphemxa Phurogireme ya mfumo yo Vuyisela Misava.

Maendlele ya swikoxo swa misava ya kotisa vanhu lava nga susiwa hi nkanu emisaveni ya vona hi nkarhi wa xihlawuhlawu ku endla swikoxo swa misava.

KZN yi na tihofisi timbirhi ntsena to yisa swikoxo, ePietermaritzburg na le Vryheid, naswona hofisi yo fambafamba yi ta kotisa vanhu ku yisa swikoxo swa vona ekusuhi ni makaya ya vona.

Bazi ku ta avelaniwa hi rona na Kapa Vuxa, laha ri nga ta tshama tinhewi tinharrhu hi nkarhi eka xifundzhankulu xin'we.

MEC wa KZN wa Vurimi na Nhluvukiso wa Matikoxikaya Cyril Xaba u vurile leswaku bazi ri vekeriwa thekinoloji ku phurosesa swikoxo hi ndlela ya xitironiki.

"Mfumo wu tsembha leswaku maendlele ya ta tirha hi ku hatlisa hikuva swikoxo hinkwaso swi ta endliwa hi ndlela ya xitironiki," u vurile.

Hi Nyenyenyan lembi leri nga hela Palamende

yi pasisile Nawumbisi Ndzhundzhuluko wo Vuyisela Timfanelo ta Misava, lowu pfuleke na-kambe maendlele yo vuyisela misava.

Siku ro hetelela rintshwa ri engeteleriwi ku ya eka ti 31 N'wendzamhala 2018 no tirhela munhu un'wana ni un'wana loyi a nga rhurhisiwa endzhawini ya yena endzhaku ka ti 19 Khotavuxi 1913.

Phurogireme yo vuyisela yi nyikile ndziriso eka nhlayo yikulu ya vakhumbeki lava nga tekeriwa misava naswona lava nga endla swikoxo hi ti 31 N'wendzamhala 1998, siku ro hetelela ra nkarhi lowuya.

EKZN, 16 000 wa swikoxo swi yisiwile hi nkarhi wa masungulo wo endla swikoxo.

"Eka leswi, 14 000 swi phurosesiwiwa naswona ka ha sele swa 2 000. Leswi swi ta phurosesiwiwa hi nkarhi wun'we na swikoxo leswintshwa, laha xikongomiso xa mahakelelo xi nga ta kekiwa eka leswi nga endliwa ku nga si fika 1998."

Hi ku ya hi Ndzwalo ya Rixaka ya Nhluvukiso wa Matikoxikaya na Mpfxeto wa Misava 76 000 wa swikoxo swa misava swi hetisisiwihi hi Nyenankulu 2012.

Ku tlula miliyoni wa vavuyeriwa etikweni hinkwaro va kumile ku tlula tihetitara ta 2 miliyoni ta misava.

Ntsengo wa mali ya phurogireme yo vuyiseriwa misava a ku ri R24.6 biliyoni.

U yisa njhani xikoxo xa misava

XITEPE XO: Ku amukeriwa

Mutirhi eka tafula ro amukela u ta languta loko u ri na mapapila lawa ya lulameke no ku nyika xitsunduxo.



KU YISA XIKOXO I MAHALA



XITEPE XA VUMUNE: Ku tivisiwa

U ta kuma SMS eka tiwara ta 48 endzhaku ka loko u yisile xikoxo leyi tiyisisaka leswaku hi kumile xikoxo xa wena. Xikoxo xa wena xi ta lavisisiwa naswona u ta tivisiwa hi mafambele ya xona hi minkarhi yo karhi, kumbe loko u komberile.

U LANDZELERISA NJHANI: U nga bela riqincho eka nomboro ya mahala ya 0800 007 095 kumbe u tihlanganisa na hofisi yo endla swikoxo yin'wana ni yin'wana eka leta 14 etikweni hinkwaro.

Xana u nga yisa kwihi xikoxo xa wena xa misava?

Gauteng: 9 Bailey Street, Corner Steve Biko and Johannes Ramokhose Street, Arcadia, Pretoria. Riq: 012 310 6500

Free State: Old Postbank Building, (Corner East Burger and Selbourne Street, Bloemfontein). Riq: 015 430 0444

KwaZulu-Natal: Umhlabi House, 139 Langalibalele Street, Pietermaritzburg and 158-160 High Street, Vryheid. Riq: 033 341 2674

Kapa Vuxa: Old SARS Building, 22 Station Street, East London and 66 Prince Alfred Street, Queenstown. Riq: 043 722 1487

Kapa N'walungu: Hyesco Arcade, 4 - 8 Old Main

Road, Kimberley. Riq: 053 807 5700

N'walungu Vupeladyambu: Unit 4 Batlhaping Street, (Kusubi na Muako wa SARS), Mbombatho and Prime Plaza Building 52 Market Street, Vryburg. Riq: 018 389 9658/9600

Kapa Vupeladyambu: Van der Stell Building, Rhodes Avenue, Mowbray, Cape Town and 33 Shamrock Place, 97 York Street, George. Riq: 021 658 4300

Limpopo: 61 Biccard Street, Polokwane. Riq: 015 284 6300

Mpumalanga: Restitution House, 30 Samora Machel Drive, Mbombela and 23 Hi-tech House Corner Botha and Rhodes Streets, eMalahleni. Riq: 013 752 4054

sukaka eka vaaki va nga ta aka 100 wa tindlu ku ololoxa ku xota ka tindlu. Va ta leteriwa eka ku aka tindlu, ku pulambara, no saha mapulangi.

Meyara wa Doroba ra Tshwane Kgosientso Ramokgopa u vurile leswaku masipala wu vekele R300 miliyoni ya minhlangu ya vantshwa no hlohotela vantshwa endzhawini ku sungula minhlangu ku lwa na mpfumaleko wa mintirho.

Ku engetela, R15 miliyoni yi vekiwile etlhelo ya vadyondzi lava tikarhata swinene va ka metiriki lava humesaka mimbuyelo ya kahle kambe va nga koti ku fikelela timali ta swikolo swa titheiyari.

Doroba ra Tshwane ri ta tirha na vaaki ku aka switirhisiwa swa vaaki swa mintlangu, gozaleri nga hlohotela vantshwa ku suka eswitarateni.

ANGARHELO

Timhaka ta Xikaya yi antswisa vuorhokeri eka hinkwavo



Vatsvari va fanele ku tsarisa vana va vona lava ha ku beburiwaka exikarhi ka masiku ya 30 loko va beburiwile ku pfuneta mfumo ku kunguhata ku ya emahlweni.

Noluthando Mkhize

Ku sukela hi Sunguti 2016, vatsvari lava tsarisaka ku beburiwa ka vana va vona endzhaku ka 30 wa masiku va ta fanelo ku tiyisisa eka Ndzwawulo ya Timhaka ta Xikaya leswaku hakunene i vaakatiko va Afrika-Dzonga.

Leswi i ku ya hi Mulawuri-Angarhelo wa Ndzwawulo ya Timhaka ta Xikaya, Mkuseli Apleni, loyi sweswinyana a nga vulavula na Vuk'uzenzele.

U vurile leswaku i vutihlamuleri bya vatsvari ku yiysisa leswaku tincece leta ha ku beburiwaka ti tsarisiwa na Ndzwawulo ya Timhaka ta Xikaya eka masiku ya 30 loko ti beburiwile.

"Loko leswi swi nga endlwi, vatsvari va ta fanelo ku hlamusela leswaku hikokwalaho ka yini va nga kotangi ku tsarisa n'wana wa vona eka masiku ya 30. Hi ku ya hi nhlamuselo ya vona, xikombelo xa vona xi fanele ku amukerika hi Mulawuri-Angarhelo kumbe hi Holobye tanihileswi hi lavaka ku tiyisisa leswaku vatsvari va twisia leswaku va fanele ku landzela milawu."

Phuresidente Jacob Zuma na khale ka Holobye wa Timhaka ta Xikaya, Dokodela Nkosazana Dlamini-Zuma, va simekile phurogireme yo tsarisa ku beburiwa loku nga hwlwa ka vana

va vona eka nkarhi lowu lavekaka.

"Pholisi ya Ndzwawulo yi vula leswaku ngeneiso wo sungula eka rhejisitara ra rixaka ra nhlayo wa vanhu i ku tsarisiwa ka ku beburiwa. Khale vanhu a va nga twisisi leswaku hikwala ka yini va fanele ku tsarisa vana va vona."

Apleni u vurile leswaku a ku ri na swibedlle swo tlula 300 laha tikweni leswi a swi tirha na ndzwawulo ku tiyisisa leswaku vana va tsarisiwa loko va beburiwile.

Loko phurogireme ya ku tsarisiwa ko hwlwa yi simekiwile, ndzwawulo yi vi le na kwalomuya ka 500 000 wa mintsariso ya ku beburiwa loku nga hwlwa.

"Nambara ley i yi yile chicki yi ehansi ka 100 000."

Hi ku ya hi Apleni, tincece leti tsarisiwaka eka masiku ya 30 ta swi kota ku kuma mali ya mudende ya mfumo tanihileswi ku lavekaka xitifikheti xo helela loko ku fanele ku endlwa xikombelo.

Ku tsarisa vana swi pfuna mfumo ku kunguhata swa vumundzuku.

Apleni u vurile leswaku ndzwawulo ya yena a yi ri ku tirheni na tindzwawulo tin'wana ta mfumo tanihileswi xiphemu ya Operation Fiela ku endlwa leswaku Afrika-Dzonga ri twita ri hlayisekile.

"Vaaki va Afrika-Dzonga na vahlapfa va fanele ku landzelela milawu. Ku na vonelo

ro hoxeka ra leswaku Operation Fiela yi kongomisiwe ngofu eka vahlapfa. EAfrika-Dzonga hi na endlalo ro katsakanya. Loko maphorisa ya endla misesho, hi ku tirhisana na Ndzwawulo ya Timhaka ta Xikaya na tindzwawulo tin'wana ta mfumo, va khoma un'wan na un'wana loyi a kumekaka a ri na swidzidziharis, swi nga khatthaleki leswaku i muakatiko wa Afrika-Dzonga kumbe i muhlapfa."

OPERATION PYRAMID

Ndzwawulo yi simekile *Operation Pyramid* ku tiyisisa vulawuri bya matimba emidzilekanini.

Xikongomelo xa *Operation Pyramid* i ku andlala masungulu ya Ejensi ya Vufambisi bya le Mindzilekani (BMA) ku antswisa vurhangeri na ntirhisano exikarhi ka mfumo na vanakulobye va vaakatiko ku hlayisekisa misava ya tiko, moyo na mindzilekano ya malwandle.

Hi nkarhi wa ku simekiwa ka phurogireme sweswinyana, Holobye wa Timhaka ta Xikaya Malusi Gigaba u vurile leswaku mintlholtlo ley i langutana na vufambisi bya mindzilekano i minhlangano ya vanhu, vugevenga lebyi nga lulamisiwa, migingiriko ya vugevenga, vuthororis, minxaka ya swilana na swiharhi swo kala leswi nga nghozini, switirhisiwa swa ntumbuluko na mavabyi ya swiharhi, swimilana na vanhu.

Gigaba u engeterile leswaku swiphemu swikulu swa xibakabaka na le kusuhi na lwandle swi le khombyeni ra swihahampfhu ka leswi nga ri ki enawini na minhlangano ya le lwandle.

BMA yi ta va na vutihlamuleri eka switirhisiwa no lunghisa tiphotu to nghena hi tona naswona yi ta tumbuluxa ndzhavuko wa nhlangano wa yona, no boxa swiyimo swa vukorhokeri.

Apleni u vurile leswaku Ndzwawulo ya Timhaka ta Xikaya a yi ri eku tirheni na tindzwawulo ta mfumo ta 11 ku tumbuluxa BMA.

"Ndzi lava ku tisa vutihlamuleri hinkwabyo ehansi ka ejensi yin'we. Hi 2017, vufambisi bya mindzilekano byi ta va byi tshamisekile."

TIMHAKA TA XIKAYA TI ENDLA SWA XIDIJITI

Apleni u vurile leswaku ley i minkarhi yo tsakisa eka ndzwawulo tanihileswi yi tilunghiselaka ku tlakusa vukorhokeri bya yona hi ku pfuniwa hi thekinoloji leswi nga ta tiyisisa

leswaku Timhaka ta Xikaya ti tirha kahle.

"Vanhu va ta kota ku endla swikombelo swa tiphasipoto kumbe swikhadana swa mapasi hi nkarhi wa vona wo wisa, eka netiweke no hakela hi ndlela ya hundzisa ya xitironiki. Va fanele ku endzela bangi ku ya tekiwa migandlo ya tintihi na swifaniso."

Ndzwawulo yi endlile xinakulobye na tibangi ku kotisa vanhu ku endla swikombelo etibangi ta vona.

"Hi egleka leswaku thekinoloji i nhlamulo. Endzhaku ka loko u endlile xikombelo xa phasipoto, swi fanele swi teka masiku yo ringana 13 ku ya yi kumiwa."



Mulawuri-Angarhelo wa Timhaka ta Xikaya Mkuseli Apleni u vula Iswaku ndzwawulo yi tiba xifuya hi vukorhokeri bya yona hi ku pfuniwa hi thekinoloji.

Ku kuma vuxokoxoko byo hlaya
tihlanganise na:
0800 60 11 90

Vaaki va tlakusiwa

Noluthando Mkhize

Xilaveko xa ku vona vaaki va tlakusiwa va rhangeriwe hi munthsha wa xiphurofexinali Yolanda Madyira, 27, ku va xiphemu xa Nhlangu 2015 wa Jesica Fortuin (JFF), phurogireme ya malembe ya mbirhi ley i tlakusa nhluvukiso wa vaaki.

Eka malembe yan'wana na yan'wana, vantsisha wa 33 va hlawuleriwa phurogireme ley, ley i va dyondzisaka ku tumbuluxa no fambisa minhlangano ya vaakatiko ya nkarhi wo leha ley i tirhaka ntirho wo vonaka eku hluvukiseni ka vaaki.

Va tlhela va dyondza ku fambisa mapfhumba lawa ya ngenisaka mali lawa ya vuyerisaka vaaki na vona vinyi.

JFF, phurogireme ya Ejensi ya Nhluvukiso wa Rixaka (NDA) ley i kongomaneke na ku lawula no cinca swiyimo swa ikonomi ya miganga ya vanhu, yi thiyiwile vito ra mufi Jessica Fortuin, mutirhi wa vanhu loyi a ngenelele eka NDA hi 2003 naswona u vonakile eka nhluvukiso wa vaaki eka malembe ya 34.

"Swi na nkoka swinene leswaku tanhi vantsisha hi vonaka eka nhluvukiso wa vaaki ya hina. Hi na matimba yo aka ku cinca no lwa na swiphigo va vanhu swo fana na nxaniso wa swidzidziharis na madzolonga eka vaaki," ku virule Madyira.

NDA yi simekile JFF hi 2014 ku ndlandlamuxa

nhluvukiso wa vaaki hi ku langha no hluvukiso vantshwa lava ha ku thwasaka eka mintirho ya ntirho wa swa vanhu, tidyondzo ta nhluvukiso, ndzavisiso na tisayense ta vanhu na vumunhu.

NDA, ejensi ya Ndzwawulo ya Nhluvukiso wa Vanhu, yi nyikiwile ntirho wo hunguta vusiwana hi ku ngenelerisa minhlangano ya vaakatiko no va nyika vuswikoti byo nyika matimba eka vaaki.

Madyira, loyi a nga na digiri ya sayense ya tipolitiki yo suka eYunivhesiti ya Kapa Vu-peladyambu, u vurile leswaku loko a nga se nghenelela eka JFF a nga wu kumi ntirho.

U kumeka ehofisini ya NDA eKapa, Madyira u sungurile vuleteri bya yena lembe leri nga hundza. U tsakela swinene ku tirha eka minhlangano ley i bindzuriseki (tiNPO), hi kuva yi pfuna ku tlakusa tiko.

"Ntirho lowu ndzi wu endlaka wu ndzi nyika ntokoto wo tirha na tiNPO. Hi pfuneta ku letela vanhu eka minhlangao no va dyondzisa hi ndlela ley i NPO yi faneleke ku fambisiwa ha yona tanihileswi xikongomelo xa tona ku nga ku pfuna vaaki.

"Ku va xiphemu xa phurogireme ley i tlhele swi ndzi dyondzisa leswaku swi vula yini ku swela. Sweswi ndzi le ku languteni ka tindlela to pfuna tiNPO leti ndzi tirhaka na tona leswaku ti antswa"

Mufisirinkulu wa NDA, Dokodela Vuyelwa Nhlapo u vurile leswaku phurogireme yi nyika

vantshwa xivandla xo kuma ntokoto, ntila lowu kongomeke na nhlohotelo wa nhluvukiso no humelela.

"Hi phurogireme ley, hi lulamisa vantshwa ku fikelela vuswikoti bya vona hi ku hetiseka no tifambisa hi voxne na tindlela ta vaaki va vona ta nhluvukiso na ku humelela," ku virule Dokodela Nhlapo.

NDA yi thela yi hoxa xandla eka ndzavisiso eka xiyege xa nhluvukiso naswona yi palu-xile vathwasana yan'wana eka swivandla swa ntirho wa ndzavisiso.

Yi vona leswaku swi na nkoka eka vantshwa ku hlohoteriwa ku ya eka xiyege xa nhluvukiso no tirha ntirho wo vonaka eku hunguteni ka vusweti.

"Xiphemu lex i lava miehleketo yintshwa ley i ta na tiphurogireme na tiphurojeke ku nyika atimba eka vaaki lava nga swela na va le matikoxikaya no nhohlotela swinakulobye exikarhi ka vaaki, vaakatiko, mfumo na mabindzu lawa ya nga ri ki ya mfumo," ku virule Dokodela Nhlapo.

XILAVEKO LEXI KULAKA YA VATI-RHI VA VANHU

Eku sunguleni ka lembe leri, Holobye wa Nhluvukiso wa Vanhu Bathabile Dlamini u vurile eka Indaba ya Vatirhi va Vanhu leswaku ku na laveko wa vatirhi va vanhu laha tikweni.

Sweswinyana, nhlayo ya valanguteri ku ya

eka vatirhi yi famba kwalomuya ka 1:10 ku fikela eka 1:13 hi ku ya hi ndzhawu ley i va nga eka yona, laha swi siyaka vatirhi votala va tirha va ri hava vulanguteri.

Ndzwawulo yi vurile leswaku nhlayo ya vatirhi va vanhu eka nhlayo ya vanhu va tiko hinkwaro yi pimanyisiwile kwalomuya ka 1: 5000, leswi nga ehenhla ka mimpmo ley i nganganyetiwa. Leswi swi nyanyisiwile hi ntityiso wa leswaku vatirhi va vanhu va languterihiwa hi vaaki ku va vatirhi vo angarhela va nhluvukiso'.

Xivangelo xa leswi i matirhiselo ya biha ya mikhuva na swiyimo eka ntirho wa ntirho wa vanhu.

Ku kota ku fikelela 55 000 wa xikongomiso xa mutirhi wa vukorhokeri bya vanhu, tanihileswi swi nga boxiwa hi Kungu ra Nhluvukiso wa Rixaka, ndzwawulo yi sungurile phurogireme ya xikolaxipi lexi hakelelaka swichuden leswi lavaka ku dyondzela ntirho wa vanhu etiyunivesiti.

Ku sukela loko xikolaxipi xi sungurile hi kwalomuya ka 8 000 wa vantshwa va thwasile hi ku pfuniwa hi ndzwawulo. Ku tlula 3 500 wa lava va tekewile eka vukorhokeri bya mfumo. Ndzwawulo yi le ku tirheni ekusuhi swinene na swifundzhankulu ku ololoxa mhaka yo teka vathwasana.

Ku kuma vuxokoxoko byo hlaya
tihlanganise na:
011 081 5500